

A2<sup>r</sup>

Dem Chriftlichen Lefer.

Gottes Gad/ vnd ware  
 befferung in Chrifto. Wie ein ge-  
 mein/ fchendtlich vnd fchädlich la-  
 fter Füllerey/ zûauffen/ vnd trun-  
 ckenheit feye/ vorab bey den Teut-  
 fchen/ auch bey denen/ fo die war-  
 heit erkant/ vnd folchs billich weren folten/ ift leyder  
 meniglich baß bewift/ daß das es bewerens bedörffe.  
 Es ift/ Got erbarmt/ mit difem vnd andern laftern/  
 beynahe bey allen menfchē/ dahin erwachfen/ das es  
 kein fünde/ fonder ehrlich geachtet wirt. Vnd zwar  
 welcher der welt gût gefell fein will/ muß diß fâwifch  
 lafter/ bey groffer vngnad/ nicht ftraffen: vorab/ fo  
 er der groffen leut gunft haben wil: ja vol vñ fâwifch  
 fein/ heift bey difen/ frölich/ befteubt/ wolbefchenckt/  
 vnd gûter ding fein. Item/ ein gûten raufch/ oder  
 trunck haben/ vnd der gleichen. Hiemit aber wirdt  
 got hoch erzörnet/ feine herrliche gaben fchândtlich/  
 vnnützlich/ onnötig/ vnd mit aller vndanckbarkeit/  
 verfhwendet/ leib vnd feel in gefâr zeitlichs vnd ewi-  
 ges todes gefûret/ aller liebe vnd barmhertzigkeit ge-  
 gen den armen vñ nottûrfftigen vergelfen/ On was  
 fonft vnordenlichs wemens auß Trunckenheit volget.  
 Vnd ob man fchon in tåglichen Predigen/ difes vnd  
 andere lafter/ ftraffet/ dawider rûffet vnd fchreiet/ fo  
 find die ohren/ die folchs hören folten/ felten zû gegen.  
 Ja wo fie etwo vberlang gewar werden/ das man  
 difen kat gerûret hat/ ftellen fie fich mit flûchen vnd

Ephe. 5

A ij leftern

A2<sup>v</sup>

---

lethern/ wie truncken/ vnd nit wol befinnete leute. Vil vom gemeinen hauffen/ können/ oder wöllen nit all mal für gefcheften leiblicher narung/ zur predig kommen. Vff das nun mein ampt/ nit allein mit predigen/ fonder auch vff andere wege/ vilen dienftlich were/ hab ich/ Chriftlicher lefer/ dife Predige (von trunckenheit) S. Auguftini/ des fürtrefflichen/ alten/ Chriftlichen Lerers/ fampt etlichen Prophetifchen Sprüchen von der trunckenheit/ yderman im Teutifchen zu lefen/ fchriftlich gewölt zukommen laffen/ Ob villeicht jemandts hiedurch auß Gottes gnaden von difem verderblichen lafter möcht abgefürt werden. Da zu gebe Chriftus feinen geift/ vnd bewar vns vor allem vbel/ Amen.

M. Melchior Ambach Prediger  
des Euangelij Chrifti  
zu Franckfurt.